

之探察葉爾羌河及支流發源於喀喇崑崙山，其通道之河谷，海拔在一萬八千二百呎以上。和闐河發源於崑崙主脈之最北部，海拔幾達二萬呎。崑崙山向東南綿延，平均高度爲一萬五千呎至一萬六千呎。由是言之，是崑崙中支分出之巴顏喀喇山即爲青海河源之所出者，仍較塔里木河河源之所出者爲低。清人認塔里木河與青海河源有關，又須中經羅布低地，故有仰發之說也。但余於民國十八年赴新疆南路考察，歷循塔里木河諸支水，由北道之海都河，庫車河，阿克蘇河，喀什噶爾河，以至南道之葉爾羌河、和闐河，探源竟委，咸入塔里木河，而歸於羅布淖爾。尤其探葉爾羌河源之所出，深入山中，尋其源委，土人名山爲喀拉達格。又有地名庫爾倫，想爲崑崙之轉音。崖岸聳峙，壁成文理。或奇石接空，中通行人。或高峯圍繞，內顯平野。奇石怪木，非可言宣。閱風玄圃，不過狀其山形景色而已。現喀什噶爾河水流中斷，和闐河水，與克里雅河水，中入流沙，而大河之主流，現僅恃葉爾羌河，及海都河而已。阿克蘇河與庫車河，雖間有餘水灌入大河，但非主流也。在民國十年以前，塔里木河水南流，與車爾成河水會東流入羅布淖爾，形成喀拉布朗庫爾、喀拉庫順兩湖，河源紀略實篇稱：『羅布淖爾之南有噶斯淖爾，周廣三百餘里，爲大河潛流伏見之第一迹。按噶斯淖爾，圖說作噶順淖爾，當即今喀拉庫順之異名，實指一海。現海都河會塔里木河東流入涸海，不復南流。車爾成河水流亦不長，故舊時之喀拉庫順，現已成涸湖。是噶順淖爾之水，由於塔里木河流之浸入。河流改道，湖水即涸。是河流影響於水道，形迹至爲顯然。清人不察河流之所經行，譌言和闐以東，無一河流，故以噶順淖爾水，爲羅布海水之伏見，何其誣也。達布遜淖爾，余雖未親往查勘，但據地圖達布遜淖爾所受之水，中隔峻嶺，實與羅布淖爾所受之水無關。扎凌、鄂凌兩淖爾，更無論矣。故清人重源之說，亦未必盡然也。

(一) 向達譯斯坦因西域考古記八一頁。

(二) 伯希和說見法國遠東學校校刊第六冊三七一頁；又馮譯馬哥波羅行紀一八三頁轉引。

(三) 按河源紀略云：『羅布爲回語，匯水之墟也；以山南衆水之所匯，故云。』與梵語義別，未知孰是。